

SOCIAL



Awe ta cumpli 6 aña e prinsesito di cas FRANCIS RANDOLF ROSEL cu ta haya masha pabien di su tata driver di Apollo Chinese Connection Racing Team, Fanchi, di su mama y ruman Jessica, di su welonan y welanan tantanan y omonan, primonan y primanan, bisawelo y bisawela, especialmente di su padrino, madrina, demas familia y di DIARIO.

BAILE DI CINTA DEN BON BINI FESTIVAL

ORANJESTAD (AAN) — E grupo di baile di cinta bao direccion di Elsa Geerman lo presenta awe den e Bon Bini Festival den Fort Zoutman. Musica lo ta na encargo di Tipico Los Placenteros. E tradicional standnan di artesanía, cos

dushi y cushina crioyo lo ta presente cu nan productionan tipico.

Tambe lo tin kari kari cu pan bati. Entrada lo ta dos florin pa persona y un y tur ta ser invita pa presencia otro tremendo Bon Bini Festival.

LIMPIEZA TUBO DI AWA

ORANJESTAD (AAN) - Awe diamars W'E'B. lo haci tubonan di awa limpi den vecindario di San Nicolas.

E trabaonan lo tuma lugar

den henter Nijhofstraat, Hildebrandstraat, van Lennepstraat y Staringstraat.

Presion di awa lo ser afecta den e viviendanan situa den e cayanan mencionada for di 8'or di mainta te cu 8'or di anochi. Gerencia di W.E.B. ta pidi comprension di e habitantenan pa e inconveniencia cu lo surgi.



ATA BO OPORTUNIDAD !

BO KIER BENDE BO AUTO ???
of compra un auto segunda mano, pero den bon condicion ?

Awel, no perde e oportunidad aki:
PASA DIALUNA DIA 15 DI JULI OF
DIAMARS DIA 16 DI JULI
DESDE 9'or DI MAINTA
NA:

"ARUBA AUTO PARK"

antes

" AUTO CENTER "

Dilanti di Marathon

Nos ta compra y paga CASH MESORA !!!

Autonan for di año 1978 te cu 1983

Marca: TOYOTA-HONDA-MAZDA 323-
DAIHATSU-DATSUN.

Informacion: tel. 21636 - 24291.

GUITARA PA JOHN BOOI TABATA REGALO DI GRUPO GRANDI

ORANJESTAD(AAN)—

"Nos kier a entrega Sr. Booi e regalito aki, cu ta sali for di nos curazon, sperando cu señor Booi lo goza hopi di dje. Nos ta desea señor Booi tur exito pa futuro y cu Dios lo drama su bendicion ariba Sr. Booi y familia y duna Sr.Booi hopi salud, dicha y felicidad. Masha danki pa tur e añanan cu nos por a traha hunto, tabata un honor y un placer pa nos di tabata tin Sr. Booi hunto cu nos."

Esaki ta e mensaje cu a acompaña e guitarra cu a keda entrega siman pasa na John Booi na ocasion

di su despedida como Secretario di Teritorio Insular di Aruba. A wordo bisa cu e guitarra tabata un regalo di Parlamento di Aruba. Pero realmente tabata trata di un regalo di un grupo grandi di persona cu ta labora na Bestuurskantoor.

E regalo a wordo ofresi na number di Gezaghebber Bislip, e Secretario robo, Muyale, Diputadonan Bareño, Oduber, Henriquez, Croes, van der Kuyp, Kuiperi. Tambe di parti di e secretarianan Philomena Lopez, Grace Koolman, Clea Tromp, Jenny Thielman, Maicha Croes, Lucia

Brokke, Milva Evertsz, Lili Danje, Lenchi Lopez, Glennie Tromp.

Tambe e Consejero General Betico Croes a participa den e regalo mescos cu Ciso Martis, Jossy Semeleer, Epi Wever, Flip Solognier, Pancho de Mey, Boy Nicolaas, Mito Martis, Filomena Tromp, Luisa Werleman, A. Adonis, J. Roose, Edwin Croes, Moonchi Danies, Scorry Croes, Chonai Stamper, Maiky Vos y Harold Larmonie.

Sin duda ora señor John Booi compone ariba su guitarra, e lo tin un grupo grandi den memoria.

PABIEN NA DAKOTA

ORANJESTAD(AAN)— Di Sr. Titi Davelaar a ser haya e informacion di celebracion di otro año di existencia di tanto Jong Holland na Curacao y Dakota na Aruba.

El a bisa cu e fecha 15 di juli ta fecha cu 2 di e grandinan di futbol Antillano ta recorda nan fundacion.

Na Aruba Dakota, y na Curacao JongHollanda.

Dakota a ser funda na 1947 y Jong Holland na 1919 ariba e mes fecha.

Na año 1949 na ocasion di 30 año di existencia di

Jong Holland e equipo aki a tene un torneo cu a dura dos siman cu participacion di Aruba, Curacao Colombia, Guatemala y Holanda (BVV).

Bao direccion di Sr. Frans Wever, Aruba su seleccion tabata consisti di Mateo Reyes, Mundo Kemp, Johan Palm, Emile Orman, Damian Tromp Gabriel Kelly, Maiky Fin-

gal, Lobo Ridderstap, Chas Leofstop, Angel Chirino, Janny Brokke, Ruben Arango, Nel Harms, Juan Briezen, Efrain Tromp y Frans Kelkboom.

E ta manda un felicitacion pa e dos organizacionnan cu deseo pa nan sigui cu progreso di nan club y di deporte en general.

THE BURNING CANDLES DI HULANDA NA ARUBA



The Burning Candles ta number di un grupo cu actualmente ta na Aruba. Ta trata di un grupo di Gospel di jovennan Hulan-des y Indones cu ta bishitando varios pais y tambe Aruba na e momentonan aki.

Nan tur ta estudiante y den nan tempo libre ta canta.

Nan a realiza viajenan pa diferente pais pa asina nan por ta e belanan di luz di Cristo.

Ya pa 18 año caba e tradicion aki ta tumando lugar y hunto cu misioneronan nan lo bishita Aruba, caminda nan lo wordo acompaña pa Kees Goedhart. Nan ta yega Aruba mañan y lo keda te dia 19.